



## Universitätsbibliothek Paderborn

**Io. Francisci Leonis Eporediensis I. V. D. Episcopi  
Thelesini Thesaurus Fori Ecclesiastici**

**Leoni, Giovanni Francesco**

**Coloniae Agrippinae, 1682**

3 Vicarii facto hominis aii spirituales, alii temporales.

**urn:nbn:de:hbz:466:1-10316**

cto à lege constituti in sex species dividuntur, quarum prima est Summorum Pontificum, Petri successorum, quibus Evangelica voce Domini claves æternæ vitae traditæ, & terreni simul, & cœlestis imperii fuerunt jura commissa, ut cap: quamvis, 21, dist. & cap: omnes, 22, dist. & sunt Vicarii Christi, cap: ubi periculum, §. ceterum, & cap: fundamenta, §. decet, de elect. in 6.

Secundæ specie sunt Episcopi, qui Apostolis successerunt, & Apostolorum vices gerunt, cap: legitimus, 93, dist. cap: in novo, 21, dist. cap: quorum vices, 69, dist. & cap: 1, §: per frontis, de sacr. Vnde. Vicarii enim Dei sunt, quos Spiritus sanctus posuit regere Ecclesiam ipsius Dei, quam acquisivit sanguine suo. Act. Apo: cap: 20. Conc Trid. cap: 1, de reform. sess: 6: & Card Bellarm. in Apolog. pro respons. ad libr: Reg: Brit: c: 4, sub vers. quod etiam rex. Succedunt autem Episcopi Apostolis, quatenus illi fuerunt primi Episcopi particularium ecclesiastarum, ut Jacobus Hierosolymitanæ ecclesiæ, & Joan. Ephesinæ, non autem propriè succidunt Apostoli's, quatenus Apostoli erant, id est, missi in omnem terram cum plenissima potestate, ut docet Card. Bellarm. in libr: de cler: & lib: 4, de Pont. & distinguendo declarat idem Card. in respons. ad Apolog: pro iur. fideliter, sub rubric: de respons. ad ea, que objiciunt. contr: Epistol. §: Responsio Episcopus succedere, pag. 212.

Tertia species est Presbyterorum, qui cum Apostoli videntes messem multam, operarios autem paucos, rogassent dominum messis, ut mitteret operarios in messem suam, elegerunt septuaginta duos discipulos, quorum vicem presbyteri gerunt, dist. cap: in novo, 21, distinct.

Quartæ speciei sunt Capitula cathedralia,

quæ tede Episcopali vacante, Episcopi vices gerunt, gloss. in cap. unic. 2, not. de majoris. & obed in 6. & Innoc. in cap. eam te, num. 4 & seq. de rescript.

Quinta est Archidiaconorum, qui absentibus Episcopis, nullo vicario constituto, absque aliquo facto, ipso jure sunt illorum vicarii, cap. 1. ubi gloss. & Butr. & cap. ad hac, §. secundum, & §. item epistola, ex. de offic. Archid.

Sexta autem est Archipresbyterorum Cathedralium, qui etiam dicuntur vicarii nati, quoad spiritualia quædam, ut per Host. de offic. Archipresb. & plenè per Sbroz d. q. 3, à num. 2, usque ad num. 19.

Vicarii factio hominis constituti sunt spirituales, & secundum jus canonicum creantur, quorum alii sunt perpetui, & alii ad tempus, Abb. in cap. ex irpanda, §. quæ vero, num. 9, de preb.

Primo perpetuus † est Vicarius Urbis, cuius officium de potestate ordinaria non est amovibile, sed solum vacat per obitum, & semper creatur S. R. E. Cardinalis, cuius jurisdictione extra Urbem non extenditur, cap. sua nobis, de offic. Vic. Et in Urbe est, tanquam Ordinarius in sua diœcesi, habens jurisdictionem in clericos, & Hebraeos, d. cap. sua nobis, ex. de offic. Vic. & Sbroz. d. q. 3, num. 19.

Secundo sunt vicarii perpetui deputati monasteriis, & aliis beneficiis, quibus pro curæ animarum regimine sunt vicarie auctoritate Apostolica perpetuè creatae, & post erectionem dicti Vicarii auctoritate ordinaria, prævio examine ad formam facri Concilii Tridentini admittuntur, & sine causa amoveri non possunt, cap. ad hac, eod. tit. c. 1, de capell. mon. in 6. Abbas in dist: §: qui vero, nu. 8. Rota decis.